

Na osnovu člana 17. Zakona o Vijeću ministara Bosne i Hercegovine („Službeni glasnik BiH“, br. 30/03, 42/03, 81/06, 76/07, 81/07, 94/07 i 24/08) i člana 5. Odluke o kriterijima za dodjelu grant sredstava iz projekta “Jačanje kapaciteta institucija za rješavanje rodno zasnovanog nasilja u Bosni i Hercegovini” nevladinim organizacijama („Službeni glasnik BiH“ broj 61/18), a u vezi sa Sporazumom o grant sredstvima za razvojne ciljeve između Vlade Sjedinjenih Američkih država koju predstavlja USAID i Vijeća ministara Bosne i Hercegovine koje predstavlja Ministarstvo za ljudska prava i izbjeglice Bosne i Hercegovine za funkcionalnije i odgovornije institucije i aktere koji rade u interesu građana broj: 10-37-2-1566-2/16 od 23.09.2015. godine, na prijedlog Ministarstva za ljudska prava i izbjeglice Bosne i Hercegovine, Vijeće ministara Bosne i Hercegovine, na 156. sjednici, održanoj 05.11.2018. godine, donijelo je

ODLUKU

O DODJELI GRANT SREDSTAVA IZ PROJEKTA “JAČANJE KAPACITETA INSTITUCIJA ZA RJEŠAVANJE RODNO ZASNOVANOG NASILJA U BOSNI I HERCEGOVINI” NEVLADINIM ORGANIZACIJAMA

Član 1. (Predmet Odluke)

(1) Ovom odlukom dodjeljuju se grant sredstva iz projekta Jačanje kapaciteta institucija za rješavanje rodno zasnovanog nasilja u Bosni i Hercegovini, sljedećim nevladinim organizacijama:

| Red. broj | Podnosilac projektnog prijedloga | Naziv projektnog prijedloga | Iznos KM |
|-----------|-----------------------------------|---|-----------|
| 1. | Udruženje Žene sa Une, Bihać | Kreiranje podržavajućeg okruženja za žrtve rodno zasnovanog nasilja u BiH | 19,180.00 |
| 2. | Fondacija Udružene žene Banjaluka | Dužna pažnja u pristupu ženama sa iskustvom rodno zasnovanog nasilja | 14,470.00 |
| 3. | Udruženje „Momentum“ Sarajevo | „Psihorehabilitacija žena žrtava nasilja smještenih u sigurnim kućama na području BiH kroz primjenu psihoedukacijskih, kognitivno-bihevioralnih i suportivnih psihoterapiskih tehnika rada“ | 18,100.00 |
| 4. | Fondacija „Lara“, Bijeljina | Uloga sigurnih kuća u prevenciji i suzbijanju nasilja prema ženama | 20,000.00 |
| 5. | UG „Vive žene“, Tuzla | Unaprijeđenje zaštite žrtava nasilja – Korak bliže eliminaciji nasilja u porodici | 20,000.00 |
| 6. | „Budućnost“ Modriča | Osnaženi kapaciteti relevantnih institucija u opštinama Modriča, Derventa, Brod, Šamac, Stanari i Vukosavlje za efikasniji odgovor na | 19,875.00 |

| | | | |
|----|---|--|-----------|
| | | rodno zasnovano nasilje | |
| 7. | Udruženje „Alternative“ Kakanj | Prevenција rodno zasnovanog nasilja u planovima razredne nastave u osnovnim i srednjim školama | 18,945.00 |
| 8. | Udruga „Glas“ Prozor-Rama | „Osnaživanje žena iz ranjivih skupina za socijalnu i ekonomsku integraciju“ | 14,750.00 |
| 9. | Udruženje žena Romkinja, Centar za majke „Izvor života“ Vitez | Dignimo glas protiv nasilja | 14,680.00 |

(2) Ukupna raspoloživa grant sredstva iz projekta „Jačanje kapaciteta institucija za rješavanje rodno zasnovanog nasilja u Bosni i Hercegovini“ koja će se dodijeliti nevladinim organizacijama iznose 160.000,00KM.

(3) Sredstva se dodjeljuju iz donatorskih izvora na osnovu Sporazuma o grant sredstvima za razvojne ciljeve između Vlade Sjedinjenih Američkih država koju predstavlja USAID i Vijeća ministara Bosne i Hercegovine koje predstavlja Ministarstvo za ljudska prava i izbjeglice Bosne i Hercegovine (u daljem tekstu: Ministarstvo) za funkcionalnije i odgovornije institucije i aktere koji rade u interesu građana broj: 10-37-2-1566-2/16 od 23.09.2015. godine, namijenjena za poboljšanje pristupa prevenciji i zaštiti od rodno zasnovanog nasilja žrtvama.

Član 2. (Ugovor o saradnji)

- (1) Sa korisnicima grant sredstava iz člana 1. stav (1) ove odluke Ministarstvo zaključuje ugovor o saradnji, kojim se definiraju uslovi, svrha, način korištenja sredstava, izvještavanje, odgovornosti ugovornih strana i druga pitanja važna za implementaciju projekata.
- (2) Prije potpisivanja ugovora, odabrani korisnici grant sredstava su dužni Ministarstvu dostaviti popunjenu i ovjerenu bjanko mjenicu bez protesta sa mjeničnom izjavom, kao instrument osiguranja izvršenja ugovora.
- (3) Ukoliko korisnik grant sredstava ne prihvati uslove propisane ugovorom, gubi pravo na korištenje grant sredstava i ista se dodjeljuju korisniku čiji je projektni prijedlog sljedeći na rang listi.

Član 3. (Izveštavanje i kontrola)

- (1) Korisnici grant sredstava iz člana 1. stav (1) ove odluke, dužni su Ministarstvu dostaviti izvještaj o namjenskom utrošku dodijeljenih sredstava na Obrascu izvještaja o realizaciji projekta i Obrascu za finansijski izvještaj koji su sastavni dio Odluke o kriterijima za dodjelu grant sredstava iz projekta „Jačanje kapaciteta institucija za rješavanje rodno zasnovanog nasilja u Bosni i Hercegovini“ nevladinim organizacijama.
- (2) Korisnik grant sredstava dužan je Ministarstvu dostaviti izvještaj o namjenskom utrošku sredstava, u roku od 21 dan od dana završetka provedbe projekta.
- (3) Korisnik grant sredstava dužan je voditi izdvojenu dokumentaciju o realizaciji projekta koji se finansira, a u slučaju potrebe, istu učiniti dostupnom za razmatranje i kontrolu od strane Ministarstva.

(4) Ukoliko korisnik grant sredstava u propisanom roku ne dostavi izvještaj, Ministarstvo pokreće postupak za povrat uplaćenih finansijskih sredstava.

Član 4.
(Realizacija Odluke)

Za realizaciju ove odluke zadužuju se Ministarstvo finansija i trezora Bosne i Hercegovine i Ministarstvo za ljudska prava i izbjeglice Bosne i Hercegovine.

Član 5.
(Stupanje na snagu)

Ova odluka stupa na snagu danom donošenja i objavljuje se u "Službenom glasniku BiH".

VM broj _____
_____ 2018. godine

Sarajevo

PREDSJEDATELJ
VIJEĆA MINISTARA BIH

Dr. Denis Zvizdić